



# INSTITUTO GALEGO DE PROMOCIÓN ECONÓMICA

## FICHA DE AXUDA

### ENTIDADE (Código da ficha)

IGAP162 - IGAPE- Instituto Galego de Promoción Económica

### 1. TÍTULO DO PROGRAMA/ AXUDA

IG107 - RE-EMPRENDE 2010 - PROXECTOS DE CREACIÓN DE EMPRESAS OU INVESTIMENTOS EN EMPRESAS NOVAS PROMOVIDAS POR NOVOS EMPRENDEDORES

### 2. FINALIDADE / OBXECTIVO

Fomentar a aparición de proxectos de creación de pequenas e medianas empresas ou de realización de investimentos en pequenas e medianas empresas novas promovidas por novos emprendedores.

### 3. TIPOS DE APOIO

Subvención en réxime de concorrencia non competitiva.

### 4. BENEFICIARIOS POTENCIAIS

Pequenas e medianas empresas segundo a definición da Comisión Europea, que exerzan ou teñan intención de exercer a súa actividade económica en Galicia baixo calquera forma de persoa xurídica de obxecto mercantil e que, ademais, cumpran os seguintes requisitos:

a) Que o seu capital se atope maioritariamente participado pola suma das participacións de persoas físicas que non estean acometendo outras actividades económicas por conta propia á data de presentación da solicitude e das achegas de entidades de capital risco e investidores privados adscritos a unha rede asimilable ás coñecidas como redes de business-angels. Para estes efectos, cando unha persoa no momento da solicitude figure de alta no RETA ou detente unha participación igual ou superior ao 20% noutra sociedade mercantil, considerarase que non cumpre esta condición. Así mesmo, cando da documentación e datos que consten no expediente, se observase que se produce continuidade empresarial, por baixa recente nunha actividade que é igual ou moi similar á que se propón como nova, ou por razóns que permiten concluír unha continuidade de empresa pre-existente, poderase denegar motivadamente a axuda.

b) A participación no capital da empresa de persoas, físicas ou xurídicas, que si estean desenvolvendo outras actividades económicas á data de solicitude, non poderá exceder conxuntamente do 40%. Que polo menos unha das persoas físicas participante no capital e sen outra actividade económica por conta propia á data de solicitude, teña unha dedicación plena ao proxecto, non podendo desempeñar outra actividade por conta allea durante o período de vixencia.

c) No caso de estar constituída a sociedade que propón o proxecto, tanto a súa data de constitución como a súa data de alta censual non poderán ter unha antigüidade superior a 1 ano no momento da solicitude de axuda.

d) Achegar para o proxecto de investimento unha contribución financeira exenta de calquera tipo de apoio público de polo menos un 25% do seu importe, sexa mediante recursos propios ou mediante financiamento externo.

### 5. SECTORES INCENTIVABLES

Están excluídas das axudas as seguintes actividades segundo o Regulamento (CE) nº 800/2008 (DOUE L 214, do 9 de agosto de 2008):

a) As actividades de produción primaria dos produtos agrarios e as actividades nos sectores da pesca e da acuicultura:

- CNAE 09: División 01, 02, 03 e 05 (todos os grupos e clases)
  - CNAE 09: Grupo 10.2 (todas as clases)
- b) O sector da industria siderúrxica :
- CNAE 09: Grupos 24.1, 24.2 e 24.3 (todas as clases) e clases 24.51, 24.52
- c) O sector de fibras sintéticas conforme a definición que recolle o anexo II das directrices comunitarias sobre as axudas de estado de finalidade rexional para o período 2007-2013 (2006/C 54/08).
- d) O sector do carbón e do aceiro:
- CNAE 09: División 05 (todos os grupos e clases)
- e) O sector da construción naval:
- CNAE 09: Clase 30.11
- Nos subsectores de Hostalería, Restauración e Hospedaxe, unicamente serán subvencionables as actividades de restaurantes de 2 ou máis garfos, e de hoteis de 3 estrelas ou superiores.

## **6. REQUISITOS PRINCIPAIS DO PROXECTO**

Serán subvencionables os proxectos de creación de pequenas e medianas empresas ou de realización de investimentos en pequenas e medianas empresas novas promovidas por novos emprendedores para a ampliación do seu novo establecemento que cumpran os seguintes requisitos:

- a) Cumpran o establecido nestas bases para obter a condición de beneficiario.
- b) Presenten un custo subvencionable superior a 50.000 euros e non superior a 1.500.000 euros que se realizará no prazo de execución do proxecto que se estableza na resolución de concesión; se o custo subvencionable resultase superior a 1.500.000 euros, o Igape reduciría a base subvencionada a esta cantidade.
- c) Sexan viables técnica, económica e financeiramente e respectuosa cos requerimentos medioambientais.
- d) Non teñan comenzado antes da presentación da solicitude de axuda.

## **7. CUALIFICACIÓN REQUERIDA DO PROXECTO**

-

## **8. INVESTIMENTOS E/OU GASTOS COMPUTABLES**

- a) Investimentos realizados en:
- i.- Obra civil para construción, reforma ou habilitación de instalacións suxeitos, de ser o caso, aos módulos máximos de custo subvencionable que poida establecer o Consello de Dirección do Igape.
  - ii.- Bens de equipamento: maquinaria de proceso, utensilios, equipamentos informáticos, mobiliario, instalacións específicas para a actividade subvencionable, elementos de transporte interior, vehículos especiais de transporte exterior, medios de protección do ambiente e outros bens de equipamento ligados ao proxecto. Nos sectores do transporte e loxístico non serán subvencionables os elementos de transporte exterior.
  - iii.- Outros investimentos en activos fixos mobiliarios.
  - iv.- Investimentos en inmaterial: aplicacións informáticas, gastos de investigación e desenvolvemento; propiedade industrial e intelectual, podendo incluír licenzas de fabricación, patentes e o canon fixo de franquías no seu primeiro ano.
- b) Gastos de establecemento e aprovisionamentos de auga, enerxía e calefacción contraídos durante o prazo de execución do proxecto limitados ó 5% do importe subvencionado total.

c) Os gastos de aluguer de bens inmobles, ata un prazo máximo dun ano a contar desde a data de notificación da resolución de concesión.

d) No seu caso, os gastos do informe de auditoría a que fai referencia o artigo 16.7 destas bases (informe de auditor de contas inscrito como exercente no Rexistro Oficial de Auditores sobre a conta xustificativa presentada polo beneficiario).

Serán subvencionables os custos realizados e pagados dentro do prazo de execución do proxecto establecido na resolución de concesión. O dito prazo iniciarase coa presentación da solicitude de axuda e finalizará na data establecida na resolución de concesión en atención ás características do proxecto para os efectos de cumprimento de todas as condicións da subvención.

Ningún dos custos alegados, sobre os que se solicita subvención, poderán ser incorridos con carácter previo á solicitude da axuda, de ser así, o proxecto no seu conxunto sería non subvencionable.

Os bens obxecto do investimento deberán ser adquiridos polo beneficiario en propiedade. No caso de adquisición dos bens mediante fórmulas de pagamento aprazado, estes tamén deberán pasar a ser de propiedade plena da empresa antes do remate do prazo de vixencia, debendo constar neste momento o vencemento e pagamento das cantidades aprazadas.

O investimento terá que manterse no centro de traballo en Galicia durante os 5 anos seguintes ao remate do prazo de vixencia no caso de adquisición de bens inmobles, que poderá reducirse a 3 anos no caso doutros bens inventariables. O investimento subvencionado poderá ser substituído no caso de obsolescencia, sempre e cando a actividade económica da beneficiaria se manteña en Galicia durante este período. Todos os investimentos deberán realizarse en bens NOVOS.

No caso dos activos intanxibles, para ser considerados subvencionables, deberán cumprir ademais todas estas condicións: 1) empregaranse exclusivamente na empresa beneficiaria da axuda; 2) consideraranse activos amortizables; 3) adquiriranse a terceiros en condicións de mercado sen que o adquirente estea en posición de exercer control sobre o vendedor, ou viceversa; 4) deberán incluírse nos activos da empresa.

Quedan expresamente excluídos do ámbito de aplicación destas bases os impostos indirectos cando sexan susceptibles de recuperación ou compensación nin os impostos persoais sobre a renda.

Os gastos subvencionables deberán ser contratados e pagados directamente entre o beneficiario da axuda e o provedor final. Os provedores non poderán estar vinculados coa entidade solicitante ou cos seus órganos directivos ou xestores. En ningún caso poderá concertarse polo beneficiario a execución total ou parcial das actividades.

## **9. CONTÍA DAS AXUDAS**

Respectando os límites establecidos para cada tipo de gasto no artigo 3ª destas bases, con carácter xeral, a subvención non superará o 40% dos gastos subvencionables.

## **10. PLAZO DE PRESENTACIÓN DE SOLICITUDES**

O prazo de presentación de solicitudes comezará o día seguinte ao da publicación desta resolución no Diario Oficial de Galicia; no caso de coincidir en sábado ou día inhábil en Santiago de Compostela, o prazo comezará o día hábil seguinte; e rematará o 30 de novembro de 2011 ou no intre do esgotamento do crédito orzamentario.

## **11. INCOMPATIBILIDADES**

Estas axudas son INCOMPATIBLES con calquera outra axuda ou subvención para o mesmo proxecto cofinanciada con Fondos ou Instrumentos da UE.

Noutro caso, as axudas serán COMPATIBLES con calquera outra liña de subvencións, sempre que respecten as intensidades de axuda máxima indicadas:

1. Para os gastos de investimento:

a) Como regra xeral:

- Ata o 40% para medianas empresas.
- Ata o 50% para pequenas empresas.
- Ata o 30% para empresas do sector do transporte.

b) Axudas ao investimento no sector da transformación e comercialización de produtos agrícolas, ata o 50%.

2. Para os gastos de establecemento e aluguer a pequenas empresas de recente creación; ata o 35% dos custos subvencionables.

3. Para os gastos de auditoría; ata o 50 % dos custos subvencionables.

No caso das axudas outorgadas en réxime de minimis aos gastos de establecemento, aprovisionamento e os gastos de aluguer de bens inmobles concedidos a beneficiarios que superen os límites de pequena empresa, comprobarase que a axudas totais concedidas en réxime de minimis a ditos beneficiarios non superarán os 200.000€ no exercicio corrente e nos dous exercicios anteriores.

A obtención doutras axudas ou subvencións ó mesmo proxecto deberá comunicarse ao Igape tan axiña como se coñeza e, en todo caso, no momento en que se presente documentación xustificativa do proxecto realizado.

## **12. REFERENCIA LEGISLATIVA**

Resolución do 30 de marzo de 2010 (DOG Nº 65 do 08/04/2010) - Bases reguladoras  
Resolución do 30 de marzo de 2010 (DOG Nº 72 do 19/04/2010) - Corrección de erros

## **13. INFORMACIÓN E TRAMITACIÓN EN**

Información nas oficinas territoriais do IGAPE e a través do teléfono 902 300 903 ou 981 54 11 47.  
Tamén a través de [www.igape.es](http://www.igape.es) ou en [informa@igape.es](mailto:informa@igape.es)

Para presentar unha solicitude de axuda, os interesados deberán cubrir previamente un cuestionario descritivo das circunstancias do solicitante e do proxecto para o que solicita a subvención a través da aplicación de axuda establecida no enderezo da internet <http://www.tramita.igape.es>

Poderanse cubrir e obter os formularios a través da aplicación informática ata as 14.00 horas do día da data de finalización do prazo de presentación de solicitudes.

As solicitudes de axuda presentaranse mediante a instancia normalizada que se xunta como anexo I. Xunto coa instancia de solicitude, presentarase a seguinte documentación, en orixinal ou copia cotexada:

1.- Para todas as solicitudes:

- a) Certificado de vida laboral dos promotores (persoas físicas) que cumpran a condición de novo emprendedor segundo o artigo 4<sup>o</sup>1.a) das bases reguladoras.
- b) No caso de varios promotores, declaración asinada por todos os promotores que, cumprindo as condicións de "novo emprendedor", vaian a dedicarse en exclusiva ao proxecto empresarial para o que se solicita axuda.
- c) Plan de empresa, o cal se debe xuntar como documento ao cuestionario de solicitude.

2.- Para sociedades xa constituídas:

- a) Escritura de constitución e dos estatutos debidamente inscritos no rexistro competente.
- b) Poder do representante que presenta a solicitude, inscrito, se é o caso, no rexistro competente.

3.- Para sociedades en constitución:

- a) Certificado do Rexistro Xeral de Sociedades Mercantís da Dirección Xeral dos Rexistros e do Notariado do Ministerio de Xustiza, ou do rexistro competente, de non figurar inscrita a futura denominación social da entidade que se vai constituír.
- b) Proxecto de estatutos da sociedade, o cal se debe xuntar como documento ao cuestionario de solicitude.

O interesado presentará a instancia de solicitude co IDE e a documentación anexa no rexistro xeral dos servizos centrais do Igape, nas súas oficinas territoriais ou a través dalgunha das formas recollidas no artigo 38.4 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común.

Así mesmo, os interesados poderán asinar electronicamente o formulario de solicitude co IDE e presentalo no Rexistro Telemático da Xunta de Galicia.

#### **14. OBSERVACIÓNS**

Os beneficiarios deberán presentar a solicitude de cobramento da subvención no prazo dun mes dende o fin do prazo de execución establecido na resolución de concesión e nunca posteriormente ao 30 de outubro do exercicio correspondente á anualidade establecida na resolución de concesión.